

尚書今古文集解

尚書今古文集解自序

尚書今古文集解何爲而作也所以述舅氏莊先生一家之學  
且爲諸子授讀之本也嘉慶初先生歸自沛南余始從問尚書  
今古文家法及二十八篇敘義析疑賞奇每發神解忽忽數十  
年久不省錄今年夏先生子循博來京旋卒旅寓啟其行篋而  
先生所爲書序說義一卷尚書授讀一卷在焉尋釋雜誦音容  
如在先生學通倉箱溫故知新其所創獲近轍諸儒遠賈姚姒  
所恨記錄過疏引而不發亦有親承口授或缺然緒論微言  
不著竹帛傳而不習自古歎之湮沒駸等玩愒滋懼爰推舅氏  
未竟之志綴爲是編其例凡五一日正文字尚書已羅七厄見  
氏撰異序故經文之下必先審其音訓別其句讀詳其衍脫析其同

異段氏考徵蔓衍煩曠爲患芟蕪存英什僅二三從簡要也二  
曰徵古義馬鄭王注采自後案不復疏其出典其差繆過甚如  
以夏侯等書轉爲古文孔壁本轉爲今文之類悉爲釐正嚴家  
法也三曰祛門戶孫疏好古雖史記周公奔楚揃爪沈河之說  
必篤信不疑後案祖鄭雖殛繇在元圭告成之後金縢誅官屬  
黨與之誣必曲申其是遷周孔以就服鄭實爲大惑至僞孔傳  
于導涓條漆沮亦曰洛水顧命篇夾兩階配爲堂廉致爲情確  
不可以人而廢言集思廣公益也四曰崇正義六宗四載三  
江九江諸家聚訟詳載博辨體同考索至于因中星而及歲差  
之西法說璣衡而詳後世之銅儀有乖說經概從雍汰擢支蔓  
也五曰述師說凡聞自莊先生及外王父莊宗伯公者皆別出

之獨下已意者以謹案別之其書序說義亦詳爲引申附請其  
後明授受也予自東髮治春秋所擬議禮決獄答難諸書至今  
未能卒業又爲詩聲衍若干卷以明六書音韻之學創彙粗就  
繕寫未遑復以炳爛餘明旁及是學人壽幾何懲海難罄望古  
參則知後人能董而理之否耶姑藏篋笥以訓子孫云

皇清經解續編卷三百二十二

南菁書院

尚書今古文集解一

武進劉逢祿申受著

鄭元書贊云孔子撰書乃尊而命之曰尚書尚者上也蓋言若天書然尚書緯璣璣鈴云因而謂之書加尚以尊之

堯典第一

說文堯高也以堯在兀上高遠也古文作堯與堯同

堯典與舜典異序同篇三代史臣之舊非始於孔子也夏書一其大商周之書左氏春秋引此篇多云夏書說文或引作唐書書贊曰三科之條五家謂之教段玉裁云三科謂虞夏一科商一科周一科也五家謂唐虞夏商周也蓋三科古文家言五家今古文家言

曰若稽古

謹案爾雅云粵越通若古文作粵即榘桑鷓木之若

杜若香艸俱非本訓馬鄭訓為順說文引申之謂擇又借為字屬上讀今以曰若稽古四字絕句

鄭曰稽同古天也言堯能順天而行之與之同功 馬曰堯

順攷古道放勳堯名 段曰曰若稽古四字爲句不特皋陶

謨也蓋堯典亦然逸周書武穆解可證也漢策文亦多云難

稽古謹案孔子序三統之書首夏書唐虞者夏之三統也則

曰若稽古四字當是孔子尊加之辭或周史臣所加太史公

述五帝本紀無此四字於夏商亦稱帝 說詳呂刑 皇帝注 則以此四

字屬下讀者由白虎通不得其說馬鄭從而誤之也 說詳皋陶謨

帝堯曰放勳

釋文放方往反徐云鄭王如字 勳史記作勳說文勳古文勳

謹案白虎通引謚法翼善傳聖曰堯放勳號也馬融以爲堯

名名即號也帝者三王以前尊加之辭堯當時亦稱王也孔

子曰天無二日民無二王大傳云帝乃稱王而入唐如猶以

丹朱爲尸是舜即位亦稱王也義詳董子又案帝堯曰放勳

卽五帝紀帝堯名放勛虞舜名曰重華夏禹名曰文命本紀體也大禹皋陶謨益稷篇首皋陶曰臣謨體也

欽明文思安安

案段據後漢書馮衍第五倫陳寵鄧壽傳注引皆作文塞晏晏以爲今文作文塞晏晏後人據說文改塞爲塞非也古思塞同部

鄭曰敬事節用謂之欽照臨四方謂之明經緯天地謂之文  
慮深通敏謂之思 馬曰威儀表備謂之欽照臨四方謂之  
明經緯天地謂之文道德純備謂之思 段曰郵壽傳注引  
考靈耀鄭注云道德純備謂之塞道德純備充實之意也故  
以訓塞此今文說也鄭注尙書慮深通敏謂之思此古文說  
也各如其字釋之若馬注則用今文說注古文讀思爲塞易  
其字也馬注雖薄今文家言而不盡廢其說如馬此條是

謹案考靈耀鄭注寬容覆載謂之晏晏安同聲同訓

允恭克讓

段云尚書恭肅字皆從心供奉供給字皆从共漢石經無逸篇厥恭與懿恭惟正之共各體可證讓漢藝

文志作讓師古云讓古讓字曲禮鄭注讓卻也或者讓古讓字說文讓推也讓相責讓也許君以从手者謂謙讓字矣

鄭曰不懈於位曰恭推賢讓善曰讓 傳曰允信克能也

光被四表格于上下

段云古文作光今文作橫說文引虞書曰假于上下蓋所見壁中本今文亦當作假

鄭曰言堯德光耀及四海之外至于天地所謂大人與天地

合其德與日月合其明 傳曰光充也 段曰鄭就光字本

義釋之偽孔就假借釋之用今文注古文也偽孔義為長

克明俊德

俊大學作峻或駿假借字鄭注大也峻無大訓史記訓為馴徐廣曰馴古訓字段曰古馴訓順三字通用

或今文作訓德

鄭曰俊德賢才兼人者



以親九族九族既睦

鄭曰上自高祖下至元孫凡九族

馬同釋文

謹案今尙書夏侯

歐陽說以為父族四母族三妻族二皆據異姓有服鄭不從

又據喪服小紀親親以三為五以五為九知皆同姓也汪容

甫云古人言數之多者概以三五九形容之辭也

平章百姓百姓昭明

史記作便章素隱云古文作平今文作辨詩采菽正義書傳作辨章惠氏云下文平

秩字伏生作便鄭元作辨說文采辨別也讀若辨古文作𠄎與平相似僞孔誤為平耳段曰鄭讀平為辨从今文也王伯申曰古平便辨音義皆同惠說非也

鄭曰辨別章明也百姓羣臣之父兄子弟

協和萬邦

本紀作合和萬國段曰合訓也圖是今文本非為本朝諱也後案說文邦从邑丰聲邦雍協韻

黎民於變時雍

於如字變漢成帝詔作養孔宙碑作下段云今文本也

尙書今古文集解

尙書今古文集解

三

傳曰協合黎厥時是維和也言天下眾民皆變化从土是以  
風俗大和 謹案中庸九經之旨本此節推演之

乃命羲和欽若昊天厯象日月星辰敬授人時 吳說文昇春為

从日亦亦聲厯段云字本从止衛包改从日人時史記  
漢書引作民時亦衛包所改謹案厯象史記訓為數法

鄭曰高辛氏之世命重為南正司天黎為火正司地堯育重

犁之後羲和氏之子賢者使掌舊職天地之官亦紀於近

氏命以民事其時官名蓋曰稷司徒此命羲和者命為天地

之官下云分命申命為四時之職天地四時於周則冢宰司

徒之屬六卿是也星辰為一俱是二十八宿 馬曰羲氏掌

天官和氏掌地官四下掌四時傳曰星四方中星辰日月所

會厯象其分節敬紀天時以授人也此舉其目下別序之

尚書考靈耀云主春者震昏中可以種稷主夏者火昏中可以種黍秋者虛昏中可以種麥主冬者昴昏中可以收斂天子視四星之中知民緩急故云敬授民時也

分命羲仲

鄭曰官名益春爲秩宗夏爲司馬秋爲士冬爲共工通稷與司徒是六官之名見也仲叔亦羲和之子堯既分陰陽爲四時又命四子爲之官又主方岳之事是爲四岳掌四時者字曰仲叔則掌天地者其曰伯平 王曰皆居京師而統之亦有時述職

宅嵎夷曰暘谷

正義夏侯等書爲宅嵎儀○釋文考靈耀及史記皆作宅嵎儀謹案今史記作居郁夷曰暘谷

索隱史記舊本作湯谷○段云

宅今文作庚下同嵎說文作嵎

尚書今古文集解

馬曰嶠海隅也夷萊夷也嶠谷海隅夷之地名

寅賓出日平秩東作

釋文寅徐以與反又音夷下同賓如字徐音殯平如字馬作萃下做此○說文豐部

豐部之次辨也从豐从弟虞書曰平豐東作謹案史記作敬道日出便程東作索隱尚書大傳曰便秩東作段云風官

相氏鄭注平作辨下並同

鄭曰寅賓出日謂春分朝日作生也 馬曰賓從也萃使也

傳曰寅敬賓導秩序也歲起於東而始就耕謂之東作東

方之官敬導日出平均次序東作之事以務農也

日中星鳥以殷仲春

仲史記作中下同

鄭曰日中者日見之漏與不見者齊也星鳥鶉火之方殷中

也春秋言溫涼也 馬曰古制刻漏晝夜百刻日中宵中則

晝夜各五十刻

厥民析

呂氏春秋仲春紀耕者少舍高誘注皆耕在野少有在都邑者也尚書曰厥民析散布在野

鳥獸學尾史記作字微段云古通用

傳曰乳化曰孽交接曰尾

申命羲叔宅南交

鄭曰夏不言曰明都三字者摩滅也 尚書大傳中祀大交

鄭注中仲也古春為元夏為仲五月南巡狩仲祭大交氣于

嶺山也南交稱大交書曰宅南交也

平秩南訛

史記作便程南為段云馮相氏注辨秩南偽釋文偽五禾反今本作訛衛包改也今本史記亦依衛包改

偽正義索

隱可證

敬致

傳曰訛化也掌夏之官平敘南方化育之事敬行其教以致其功匹時同之亦舉一隅 謹案偽傳云云與王肅云夏無明都避敬致意合非也敬致者卽周官馮相氏冬夏致日春秋致月舉一隅也

日永星火以正仲夏

鄭曰日長者日見之漏五十五刻日不見之漏四十五刻於四時最長也星火大火之屬司馬之職治南岳之事得夏則氣和夏至之氣昏火星中 馬曰日長則晝漏六十刻夜漏四十刻

厥民因鳥獸希革

鄭曰夏時鳥獸毛疏皮見 傳曰因謂老弱因就在田之民

壯以助農也革改也

分命和仲宅西曰昧谷

正義夏侯等書昧谷曰柳谷三國志虞翻傳注古大篆卯字讀當為柳古柳非

同字而以爲昧此翻奏鄭氏解尚書達失之一也莊氏述祖曰說文卯爲古文酉字卯爲春門萬物以出酉爲秋門萬物以入故秋曰卯谷伏生書借柳作卯如字讀之今文之誤捺書本作卯鄭氏誤以爲卯而讀昧翻又從今文以改古文今當从古文正作卯案鄭注周官引此作度西曰柳穀亦用今文也書大傳正作柳穀史記居西土曰昧谷徐廣曰一作柳谷

鄭曰西者隴西之西今人謂之兌山

寅餞納日平秩西成

集韻寅餞馬作寅餞說云此乃釋文舊本今本寅餞衡包所改又云棧馬讀如踐納

古文當作內史記訓爲敬道日入便程西成書大傳作寅餞入日辨秩西成

鄭曰寅餞納日謂秋分夕月也 馬曰餞減也減猶沒也

傳曰餽送也日出言導日入言送因事之宜秋西方萬物成  
平敘其政助成物

宵中星虛以殷仲秋

鄭曰夜中者日不見之漏與見者齊虛元武中宿也

厥民夷鳥獸毛毼

本紀作其民夷易贖氏琳曰當是以易代夷  
傳寫誤兩存之易平也周官司裘注中秋鳥

獸毼毼釋文毼音毛惠氏曰毼當為毳字之誤也鄭氏尙書  
云中秋鳥獸毛毼毼中冬鳥獸毼毼下而誤耳段云毼从佳

毛毛亦聲當是壁中古文禮注未可議改說文毼仲  
秋鳥獸毛盛可選取以為器用也从毛先聲讀若選

傳曰夷平也老壯在田與夏平也

申命和叔宅朔方曰幽都

本紀作  
居北方

傳曰北稱朔亦稱方言一方則三方見北稱幽則南稱明從

可知都謂所聚也



平在朔易

本紀作便在伏物索隱曰使和叔察北方藏伏之物謂人畜積聚等冬皆藏伏尸子亦云北方者伏方也

大傳云便在伏物史公據之而書段云古文作朔易今文作伏物

王曰改易者謹約蓋藏循行積聚詩曰日爲改歲入此室處

言人物皆易 謹案此用大傳考靈耀史記義今文家言也

古文朔易之義鄭謂堯正建丑也儀徵阮尙書云馮相氏鄭

注引東作南僞西成朔易以解序事會位非說農事也元謂

在朔易主合朔而兼推日食言之東作南爲西成皆言測日

躔發斂主中氣而言作爲皆造也言造厯法成言作爲旣成

也平秩者言義和設儀器測量逐日刻記辨斂之也朔者月

測日但同經度不同緯度爲合朔經緯度皆同日月人目三

相值則爲日食朔望弦分四位則朔必以正北爲定說文引

秘書說日月為易在察也日月食非朔望不定期朔望亦非日月食不定東西南北里差時差交會高下亦非日月食不能同定于一度一日之間萬世天算皆始於此

日短星昴以正仲冬昴音柳一音留詩小星徐邈音茅釋文音弗

鄭曰日短者日見之漏四十五刻於四時最短昴白虎中宿也東方南方俱三次鶉火大火居其中西方北方俱七宿虛星昴星居其中每時總舉一方故指中宿與次而互言之

馬曰日短則晝漏四十刻夜漏六十刻

厥民隩段云字本作奧作隩者衛包所改又云馬讀為煖

鄭曰隩內也 馬曰隩煖也

鳥獸毳毛釋文毳如勇反徐又音而充反○說文毛毳毳毛盛也从毛隼聲虞書曰鳥獸毳毳段云葦壁中本如是

今本耗蓋別體說文蓋部引虞書曰鳥  
獸裘毛从巛从衣段云蓋今文尚書

馬曰氄溫柔貌

帝曰咨汝羲暨和朞三百有六旬有六日以閏月定四時成歲

允釐百工庶績咸熙說文云祺復其時也虞書曰祺三百有六旬本紀作歲定本紀作正允釐本紀訓為

信勛徐廣云飭古勅字熙本紀訓與爾雅釋詁合律麻志訓美段云汝當作女暨當作泉餘並同

鄭曰以閏月推四時使啟閉分至不失其常著之用成歲歷

將以授民時且記時事 王曰期四時也一朞三百六十五

日四分日之一又入六日之內舉全數以言之故云三百六

十六日也斗之所建是為中氣日月所在斗指兩辰之間無

中氣故以為閏也 傳曰咨嗟暨與也而四時曰朞一歲十

二月月三十日正三百六十日除小月六為六日是為一歲

有餘十二日未盈三歲是得一月則置閏焉以定四時之氣  
節成一歲之脉象允信釐治工官績功咸皆熙廣也言定四  
時成歲麻以告時授事則能信治百官眾功皆廣嘆其善  
王萱齡云歷代歲分消長不同舉其中以該其變則四分爲  
常法故顓頊周髀用之史記麻書述焉四分術曰周天三百  
六十五度四分度之一日行一度月行三十度十九分度之  
七減日一度餘十二度十九分度之七以月分母十九乘十  
二度入分於七得二百三十五爲章月以分母四乘章月得  
九百四十爲日法積三百六十五日九百四十分日之二百  
三十五爲一歲日行數以分母四乘三百六十五日入子一  
得一千四百六十一以月行分母十九乘之得二萬七千七

百五十九爲周天分數如日法九百四十而一得二十九日  
 九百四十分日之四百四十九爲合朔日數十二乘合朔得  
 全日三百四十八餘分五千九百八十八如日法九百四十  
 而一得全日六九百四十分之日三百四十八共三百五十  
 四日九百四十分日之三百四十八爲一歲月行數三百六  
 十日者一歲常數也日行一歲多五日九百四十分日之二  
 百三十五爲氣盈月行一歲少五日九百四十分日之五百  
 九十二爲朔虛日法九百四十得三百四十八少五百九十二矣合氣盈朔虛得多  
 十日九百四十分日之八百二十七爲一歲閏數三歲一閏  
 則三十二日九百四十分日之六百一以三乘十日得三十日以三乘分子八百  
 二十七得二千四百八十一如日法九百四五歲再閏則五  
 十而一得二日九百四十分日之六百一

十四日九百四十分日之三百七十五以五乘十日得五百  
 二十七得四千一百三十五如日法九百四十  
 而一得四日九百四十分日之三百七十五十有九歲七  
 閏則二百六日九百四十分日之六百七十三以十九乘十  
 十日以十九乘分子八百二十七得一萬五千七百一十三日得一百九  
 如日法九百四十而一得十六日九百四十分日之六百七百七  
 十是為氣朔分齊為一章以七乘二十九日得二百三日以  
 百九十三如日法九百四十而一得三日九百四十分日之四  
 六百七十三并二百三日亦得二百六日九百四十分日之四  
 六百七十三為氣朔分齊故三年不置閏則以正月為二月每月皆差九  
 年差三月即以春為夏十七年差六月即以四時相反時何由  
 定歲何由成乎

帝曰疇咨若時登庸說文內部彘詞也虞書帝曰疇咨段云此  
 此字彘咨二字本當倒易古人壁中本下五疇字當同本紀訓為誰可順  
 文字不拘也下疇咨若子采同

馬曰義和為卿官堯之末年皆以老死庶績多闕故求賢順

四時之職欲以代義和

放齊曰允子朱啟明

說文絳字下曰虞書丹朱如此段云壁中故書也啟明本紀訓為開明

帝曰吁嚚訟可乎

釋文訟馬本作庸段云假借字本紀訓為頑因不用張守節正義因訟也段云爾雅說文

皆云誦訟也疑本作誦誤為因

鄭曰帝堯允嗣之子名曰丹朱開明也

馬

傳曰放齊臣名

允國子爵朱名居開也吁疑怪之辭言不忠信曰嚚又好爭

訟可乎言不可

帝曰疇咨若予采

釋文子音餘又羊汝反本紀訓為堯又曰誰可者

馬曰采事也 傳曰采事也復求誰能順我者

臧兜曰都共工方鳩僝功帝曰吁靜言庸違象恭滔天

廣韻屬字下曰驩兜四凶名古文尙書作𠄎說文𠄎字下徐  
錄云古文尙書驩兜字作𠄎集韻相部屬𠄎四凶之一通作  
馮今通作驩段云此出宋次道王仲至家之本辨之以曉好  
古而感者說文是部迷斂聚也虞書曰有迷驩功人部引虞  
書方救倛功段云有迷驩功者今文本方救倛功者壁中本  
故作鳩者孔子國以今文讀之本紀訓為有聚布功靜段云  
當作靖此衛包所改左氏春秋作靖諸庸回本紀訓為善言  
其用僻惠氏引楚辭康回即庸違王逸注其工名誤也詛楚  
文熊相康回無道董道釋康為庸是也象恭滔天本紀訓為似恭漫天

鄭曰其工水官也其人名氏未聞先祖居此官故以官氏也

堯末時義和之子皆死庶績多闕而官廢當此之時驩兜其

工更相薦舉 馬曰倛具也 傳曰驩兜臣名都於歎美之

辭其工官稱鳩聚倛見也靜謀滔漫也

帝曰咨四岳 咨本紀訓為嗟 岳本紀作嶽

鄭曰四岳四時之官主方岳之事始義和之時堯既分陰陽



爲四時命義仲和仲義叔和叔等爲之官又主方岳之事是爲四岳謂之四伯義和子死分四岳爲八伯皆王官其八伯惟驩兜共工放齊鯀四人而已其餘四人無文可知

湯湯洪水方割蕩蕩懷山襄陵浩浩滔滔天下民其咨有能俾又

割詩唐譜正義引作害懷漢地理志作襄咨本紀訓爲憂說又辟部變治也虞書曰有能俾又段云壁中古書孔國易爲

傳曰湯湯流貌洪大割害也言大水方方爲害蕩蕩言水奔突有所滌除懷包裹上也包山上陵浩浩盛大若漫天俾使又治也言民咨嗟憂愁病水困苦故問四岳有能治者將使之

兪曰於緜哉帝曰吁咈哉方命圯族

緜世本作鼈釋文徐云方鄭王音放本紀訓爲負命

尚書今古文集解

一

七

族毀

鄭曰方讀為放謂放棄教命

岳曰異哉試可乃已帝曰往欽哉九載績用弗成釋文異徐云鄭音異孔王

音怡說文異舉也虞書曰嶽曰異哉本紀訓可為不可錢少詹辛楣曰古人語急以不可為可也

馬曰堯以大聖知時運當然人力所不能治下民其咨亦當

憂勞屈已之是從人之非遂用於鯀 傳曰異已也退也言

餘人盡已惟鯀可試無成乃退堯據眾言可試故遂用之載

年也三考九年功用不成則放退之

帝曰咨四岳朕在位七十載汝能庸命巽朕位段云巽鄭訓入如字馬讀為遜

本紀作踐

鄭曰言汝諸侯之中有順事用天命者入處我位統治天子

之事者乎 馬曰朕我異讓也 傳曰堯年十六以唐侯升

為天子在位七十年則時年八十六老將求代異順也言四

岳能用帝命故欲使順行帝位之事

岳曰否德忝帝位

否本紀作鄙 釋文又音鄙

傳曰否不忝辱也言不堪 謹案漢百官表四岳謂四方諸

侯繫於四方謂之四岳宋翔鳳云其號非一人其職非一定

其人非一時也時四岳中當有姜姓許由者故史記又言堯

讓天下於許由許由不受恥之逃隱之說許太岳之後也或

即伯夷書傳所謂陽伯儀伯

曰明明揚側陋

文選沈休文恩倖傳論明敷幽仄李注引書明敷側陋段云衛包收敷作揚仄作側本紀訓

為悉舉貴戚及疏遠隱匿者段云悉舉訓明揚貴戚訓明疏遠隱匿訓側陋蓋今文作明揚明側陋

傳曰堯知子不肖有禪讓之志故明舉明人在側陋者廣求賢也

師錫帝曰有鯀在下曰虞舜 本紀訓為眾皆言于堯曰有矜在民間曰虞舜

鄭曰師諸侯之師 馬曰舜謚也舜死賢臣錄之臣子為諱

故變名言說 王曰虞地名也古者將舉大事訊羣吏訊萬

民堯將讓位咨四岳使問羣臣眾舉側陋眾皆願與舜堯計

事之大者莫過於禪讓必應博詢吏人非獨在位 傳曰師

眾錫與也無妻曰鯀虞氏舜名在下民之中 謹案說法解

仁聖明盛曰舜本紀虞舜名曰重華馬所本也

帝曰俞子聞如何岳曰瞽子父頑母嚚象傲克諧以孝烝烝父

不格姦 本紀堯曰然朕聞之其如何岳曰盲者子父頑母嚚弟傲能和以孝烝烝怡不至姦段云傲當作敖格當作假

恐亦天  
實所改

傳曰無目曰瞽舜父有目不能分別善惡故時人謂之瞽配  
字曰股股無目之稱心不則德義之經爲頑象舜弟之字傲  
慢不友言竝惡諧和烝進也言能以至孝和諧頑歸昏傲使  
進進以善自治不至於姦惡 謹案汪氏容甫以瞽爲官名

孫氏伯淵据蔡邕九疑山碑以孝烝烝爲句廣雅釋訓烝烝  
孝也王伯申云言孝德之厚美也又案孟子引父母使舜完

廩諸文皆傳紀之類而非帝典之經經文簡要數言已盡矣

帝曰我其試哉

本紀作堯曰吾其試哉書正義馬鄭王本  
說此經皆無帝曰當時庸生之徒編之也

鄭曰試以爲臣之事 王曰試之以官 傳曰言欲試舜觀

其行迹

女子時觀厥刑于二女

觀讀如貫刑于當如詩大雅解本紀訓為觀其德于二女非是

鄭曰不言妻者不告其父不序其正 謹案夫婦為人倫之

首堯以舜為人倫之至故觀示其德於天下所謂齊徽五典

也

釐降二女子媯納嬪于虞帝曰欽哉

本紀作舜飭下二女子媯納如媯禮堯善之為孔傳

本其說

馬曰水所入曰納媯納媯水之曲 本紀正義括地志云媯

源納水出蒲州河東南山許慎云水厓曰納按地記云河東

郡青山東山中有二泉下南流者媯水北流者納水二水異

源合流出谷西注河媯水北曰納也 謹案嬪婦也有舅姑

之辭嬪于虞則已見舅姑矣舜本紀又云堯二女不敢以貴

驛事舜親戚甚有婦道訓降字填字義甚富帝曰欽哉者訪

戒二女之辭史錯舉記之

慎微五典五典克從

東晉分慎微以下為舜典後人又增二十八字於其首謹按古文今文本皆不分也

本紀作乃使舜慎和五典五典能從慎釋文敘錄云從音微五典以下字正作音段云衛包改作慎開寶中又刪音義並注

鄭曰五典五教也蓋試以司徒之職 馬曰微善也 傳曰

五典五常之教父義母慈兄友弟恭子孝舜慎美為行斯道

舉八元使布之于四方五教能從無違命

納于百揆百揆時敘

本紀訓為乃徧入百官百官時敘段云納當作入下同

傳曰揆度也度百事總百官納舜于此官舜舉八凱使揆度

百事百事時敘無廢事業 王伯申曰時敘承敘也承順也

賓于四門四門穆穆

鄭曰賓讀爲饋謂舜爲上饋以迎諸侯 馬曰四門四方之

門舜賓迎之皆有美德也 傳曰穆穆美也四門四方之門

舜流四凶族四方諸侯來朝者舜賓迎之皆有美德無凶人

納于大麓烈風雷雨弗迷

本紀作堯使舜入山林川澤暴風雷雨舜行不迷

鄭曰麓山足也

馬同

王曰麓錄也堯納舜于尊顯之官使大

錄天下萬機之政任之事無不統自慎徽五典是也 傳曰

麓錄也納舜使大錄萬機之政陰陽和風雨時各以其節不

有迷錯愆伏 謹案納于大麓孟子所謂使之主祭而百神

享之是天受之也烈風雷雨弗迷謂風雨時節百穀順成神

享之徵傳說是也其訓麓爲錄說爲大錄萬機之政本之鄭



注書大傳論衡則非也

帝曰格汝舜詢事攷言乃言底可續三載汝陟帝位舜讓于德

弗嗣格汝段曰當作假女本紀作女謀事至而言可續三年矣女登帝位弗嗣作不懌徐廣曰今文尙書作不怡怡懌也

太史公自序作不台索隱曰台音怡悅也段云今文作不台

史以訓更爲懌懌也文選典引李善注云漢書音義韋昭曰古

文台爲嗣後漢書班固傳注前書曰不台音義曰台讀爲嗣

莊云古文嗣從台故借台爲嗣斯于毛傳似嗣也古文召篆

作册今本王莽傳作不嗣蓋後人所改是古今文皆作台今

文作怡古文讀嗣也孫氏伯胤云据史公文及北堂書鈔引

乃底可續疑古文弓形 近乃乃言二字衍文

鄭曰三年者賓四門後之三年也 馬曰底定也 王曰底

致也謹案于德弗嗣猶云否德忝帝位也

正月上日 釋文正音 政及音征

鄭曰帝王易代莫不改正建朔堯正建丑舜正建子此時未

改堯正故云正月上日即政乃改堯正故云月正元日 馬

曰上日朔日也 王曰惟殷周改正易民視聽自夏以上皆

以建寅為正此篇二文不同史異辭耳

受終于文祖 本紀下訓二語文祖者堯太祖也段云蓋謂黃帝

鄭云文祖者五府之大名猶周之明堂 馬曰文祖天也天

為文萬物之祖故曰文祖 王曰文祖廟名 傳曰終謂堯

終帝位之事文祖者堯文德之祖廟

在璿璣玉衡以齊七政 段云釋文璿音旋又作璇璣字無音蓋鄭馬王偽傳釋文本皆作機作璣者後

人所改政史記律書作正字

鄭曰其轉運者為機其持正者為衡皆以玉為之璿璣玉衡

準天儀也七政日月五星也以機衡視其行度以觀天意

馬曰璿美玉也機渾天儀可轉旋故曰機衡其中橫筭所以  
視星宿也以璿爲機以玉爲衡蓋貴天象也七政者北斗七  
星也各有所主第一曰主日法天第二曰主月法地第三曰  
命火謂熒惑也第四曰殺土謂填星也第五曰伐水謂辰星  
也第六曰危木謂歲星也第七曰剽金謂太白也日月五星  
各異政故曰七政皆以璿機玉衡度知其盈縮進退失政所  
在 謹案在察也本紀訓爲乃作則亦似指儀器書大傳在  
璿機玉衡以齊七政鄭注七政謂春夏秋冬天文地理人道  
所以爲七政也人道盡而萬事順成  
璇璣者何也傳曰璇者還也機者幾也微也其變幾微而所  
動者大謂之璇機是故璇機謂之北極史記天官書曰北斗  
七星所謂璇機玉衡以齊七政索隱云春秋運斗樞曰斗第

一天樞第二璇第三璣第四權第五衡第六開陽第七搖光  
第一至第四爲魁第五至第七爲杓合而爲斗按斗爲中官  
大辰古以爲北辰恆星之宗也然則察斗建以齊二耀五緯  
之行度卽義和數法日月星辰之事今文家說也孔子國在  
漢初亦當同此馬鄭指爲渾儀後儒以爲古亦有其法遺秦  
滅者恐未必然本紀作字疑在字之誤

肆類于上帝

說文帚部絲帚屬也从二帚絲古文絲也虞書曰  
肆類于上帝段云此壁中故書字孔子國以今文

讀爲肆本  
紀訓爲遂

鄭曰禮祭上帝于圓丘 馬曰上帝太乙神在紫微宮天之

最尊者 傳曰肆遂也類謂攝位事類遂以攝告天及五帝

異義夏侯歐陽說以類祭者以事類祭之古尙書說非時

祭天謂之類許慎謹案周禮郊天無言類者知類非常祭從古尙書說鄭氏無駁與許同 月令疏引今文尙書夏侯說云類祭天柰何天位在南方就南郊祭之

禮于六宗

段云禮魏碑作烟梁時作聖或作堊書大傳作淫注源當爲禮

鄭曰禮煙也取其氣達升報于陽也六宗言禮與祭天同名則六者皆天神謂星辰司中司命風師兩師也星謂五緯也辰謂日月所會十二次也司中司命文昌第五第四星也風師箕也兩師畢也 馬曰禮精意以享也六宗天地四時也萬物非天不覆非地不載非春不生非夏不長非秋不收非冬不藏此其謂六也 謹案王肅以祭法四時寒暑日月星水旱爲六宗僞孔傳從之司馬紹統駁之曰除其天地于上

遺其四方于下取其中以謂六宗可乎六宗之說紛如聚訟  
惟今文尙書歐陽夏侯說六宗者上不及天下不及地旁不  
及四時一本作四方居中央恍惚無有神助陰陽變化有益于人  
故郊祭之周禮大宗伯疏引最爲近古卽覲禮所謂方明也段云公  
羊莊三十一年何注以祭天宗廟六宗五嶽四瀆其餘山川  
並稱知其六宗亦用今文尙書說

望于山川

傳曰九州名山大川五嶽四瀆之屬皆以一時望祭之

備于羣神

備本紀作辨徐廣音班段云今古文本蓋皆作辨今文讀爲班僞古文易爲備也

鄭曰備以尊卑次秩祭之如巨陵墳衍之屬

輯五瑞

輯本紀作揖漢郊祀志同段云从車者齋包所改

既月乃日親四岳羣牧班瑞于羣后

本紀封禪書郊祀志皆云擇吉月日見四嶽諸牧班

瑞

馬曰揖敎也五瑞公侯伯子男所執以為瑞信也堯將禪舜使羣牧敎之使舜親往班之

歲二月東巡守至于岱宗柴望秩于山川肆觀東后

釋文守或作狩說文

示部柴鏡柴寮祭天也虞書曰至于岱宗柴又精字下曰古文崇从隋省段云此壁中故書孔子國讀為崇今本作柴漢以後人改肆本紀諸志皆作遂

鄭云歲二月者正歲建卯之月也巡守者行視所守也岱宗

者東嶽名也柴考績寮也望秩于山川者徧以尊卑祭之五

嶽視三公四瀆視諸侯其餘小者或視卿大夫或視伯子男

矣秩次也東后東方之諸侯也 馬曰歲二月舜受終後五

年之二月柴祭時積柴加牲于上而燔之

協時月正日同律度量衡

協白虎通後漢律志作叶段云叶叶皆古文今文尙書未嘗不用古文也

段又云馬王以同字領下句玩周疏鄭訓同為陰呂則禮統於正字漢律志引虞書曰乃同律度量衡馬王是也

鄭曰協正四時之月數及日名備有失誤者其節氣晦朔恐

諸侯有不同故因巡守而合正之律陰呂陽律也度丈尺量

斗斛衡斤兩也 馬曰律法也 王曰同齊也律六律也

修五禮五玉三帛二生一死贊如五器

玉書大傳漢郊祀志作樂師古注五樂謂春則

琴瑟夏則笙竽季夏則鼓秋則鐘冬則磬也與本紀諸書所引不同生封禪書漢郊祀志俱作牲贊釋文一本又作摯說文

女部摯至也商書曰大命不摯讀若摯同一日虞書雉摯段云壁中古文假借字孔子國讀為摯作贊者俗字集韻箇部

加乃個切若也書曰如五器鄭康成讀

鄭曰五禮公侯伯子男朝聘之禮也五玉即瑞節執之曰瑞



陳列曰玉也三帛所以薦玉也受瑞玉者以帛薦之帛必三者高陽氏之後用赤繒高辛氏之後用黑繒其餘諸侯皆用白繒周禮改之爲纁也二生一死擊者羔雁生也卿大夫所執雉死士所執也擊之言至所以自致也如者以物相授與之言授擊之器有五卿大夫上士中士下士也器各異飾飾未聞所用也周禮改之飾羔雁飾雉執之而已皆去器 馬曰五禮吉凶軍賓嘉也三帛二孤所執也擊二生羔雁卿大夫所執一死雉士所執五器上五玉 王曰三帛纁元黃也附庸與諸侯之嫡子公之孤執皮帛其執之色未詳聞或曰孤執元諸侯之嫡子執纁附庸執黃

卒乃復五月南巡守至于南岳如岱禮八月西巡守至于西岳

如初十有一月朔巡守至于北岳如西禮釋文如西禮方輿本同馬本作如初公羊

疏鄭作如初公羊何注引此下有遠至嵩如初禮六字或全文家說非經文也唐虞時當以霍太山為中岳嵩高為中嶽

殷人及東周之制

鄭曰卒已也復歸也巡守禮畢乃反歸矣每歸用特牛告于

文祖矣五月不言初者以其文相近八月十一月言初者文

相遠故也 馬曰卒乃復五玉禮終則還之三帛以下不還

也 傳曰卒終復還也如五器禮終則還之三帛生死則否

南岳衡山西岳華山北岳恆山 謹案史記以南岳為衡山

大傳以為霍山水經云霍山在廬江潯縣西南即今潯山縣

天柱山

歸格于藝祖用特段云格當作假藝祖今文作禘剛

鄭曰藝祖文祖猶周之明堂每歸用特者明每一嶽即歸也  
如尙書王制之文所以不一嶽之後而云歸者因明四嶽禮  
同使其文相次是以終巡守之後乃始云歸耳 馬曰藝禘  
也 傳曰巡守徧四嶽然後歸告至文祖之廟藝文也言祖  
則考著特一牛

五載一巡守羣后四朝

鄭曰四朝四季朝京師也巡守之年諸侯見於方岳之下其  
間四年四方諸侯分來朝於京師歲徧 馬曰四朝四面朝  
於方岳之下

敷奏以言明試以功車服以庸

敷漢宣帝引  
作傳古通

公羊桓元年疏言羣后四朝者謂諸侯順四時而朝也敷奏

以言者謂請侯來朝徧奏以言也言明試以功者國功曰功

謂明試以國事之功也言車服以庸者民功曰庸若欲賜車

服之時以其治民之功高下矣段云公羊疏於閏月定四時

注此亦當是鄭注順

四時當作分四年

舉十有二州段云肇書

鄭曰舜以青州越海而分齊為營州冀州南北太遠分衛一作

魏為并州燕以北為幽州新置三州并舊為十二州更為之

定界 馬曰禹平水土置九州舜以冀州之北廣大分置并

州燕齊遼遠分燕置幽州分齊為營州於是為十二州在九

州之後也

封十有二山濟川濟水紀

為汶

鄭曰潘水害也 傳曰封大也每州之名山殊大者以爲其州之鎮有流川則深之使通利

象以典刑

鄭曰正刑五加之流宥鞭扑贖刑此之謂九刑 馬曰言咎  
絲制五常之刑無犯之者但有其象無其人也 謹案今文  
家說畫衣冠異章服爲象刑荀卿非之

流宥五刑

鄭曰其疑者或放流之四罪是也 馬曰流放宥寬也三宥  
一曰幼少二曰老耄三曰蠢愚五刑墨劓剕宮大辟

鞭作官刑

馬曰官刑爲辦治官事者爲刑

扑作教刑

鄭曰扑覆楚也扑為教官為刑者

金作贖刑

馬曰金黃金也意善功惡使出金贖罪坐不戒慎者

管災肆赦怙終賊刑

本紀為管災過赦

鄭曰管災為人作患者也過失雖有害則赦之怙其姦邪

終身以為殘賊則用刑之

欽哉欽哉惟刑之恤哉

段云惟今文作維恤當作卹此字衛包所改本紀訓為靜徐廣引今文作謹索

隱曰古文作卹今文是伏生口誦卹謹聲近遂作謹也段云卹謹同部假借訓為靜亦為慎偽孔訓憂非也

傳曰舜陳典刑之義勅天下使敬之憂欲得中

流其工于幽州

段云幽州當作州衛包所改幽州本紀為幽陵莊子作幽都

鄭曰幽州北裔 馬曰幽陵北裔也 後案括地志曰在檀

州燕樂縣今為密雲州恐臆說也

放驩兜于崇山

馬曰崇山南裔也 後案杜佑云在澧州禮陽本漢零陽地

今為澧州永定縣恐臆說也

竄三苗于三危

段云竄今音七亂反古音七外反王氏據誤木說文改為數非也孟子作殺非殺戮也經典竄

蔡殺業四字同音同用皆謂放流之也

馬曰三苗國名也緡雲氏之後為諸侯蓋饗養也三危西裔

也 後案三危詳禹貢鄭注

殛鯀于羽山

說文殛誅也虞書殛鯀于羽山洪範多文釋文殛本作極段云殛乃極字之假借爾雅訓誅為是

馬曰殛誅也羽山東裔也 後案左氏昭七年杜注羽山在

東海祝其縣西南漢志續志晉志同今屬江南贛榆縣南有  
漢祝其故城

四罪而天下咸服

段云本紀作舉周字也尙書作罪  
秦文也蓋漢人以俗行字改之

鄭曰舜不刑此四人者以爲堯臣不忍刑之左傳帝鴻氏不  
才子謂之渾敦少暉氏不才子謂之窮奇顓頊氏不才子謂  
之檮杌縉雲氏不才子謂之饕餮驩兜爲渾敦其工爲窮奇  
鯀爲檮杌三苗爲饕餮禹治水既畢乃流四凶舜先舉禹而  
後誅鯀 王曰若待禹治水功成而後以鯀爲無功而殛之  
是爲舜用人子之功而流放其父則爲禹之勤勞適足使父  
致殛舜失五典克從之義禹陷三千莫大之罪進退無據迂  
亦甚哉 謹案舜流四凶蓋在詢事考言三載之中左氏所



謂四門穆穆無凶人也史臣類紀在攝位之末所謂先德教而後刑罰非順時事洪範亦言鯀則殛死禹乃嗣興鄭氏之誤王肅駁之當矣

二十有八載帝乃殂落百姓如喪考妣三載四海遏密八音孟子

引堯典曰二十有八載放勳乃殂落三載作三年段云凡二十唐石經作廿三十唐石經作卅本之古文秦刻石漢石經今不從說文殂往死也引虞書曰放勳乃殂王莽傳引放勳祖乃當是馬鄭王本今本帝乃殂落恐是姚方輿本堯典之紀堯也始言帝堯曰放勳終言放勳乃殂其書舜之即真也始言舜格于文祖舜曰咨四岳終言舜生古史文法精嚴如是過繁

露作謁傳曰殂落死也堯年十六即位七十載求禪試舜三載自正

月七日至崩二十八載堯死壽一百一十七歲考妣父母言

百官咸德思慕遏絕密靜也八音金石絲竹匏土革木四夷

絕音三年則華夏可知 本紀堯立七十年得舜二十年而老令舜攝行天子之政薦之於天堯辟位凡二十八年而崩徐廣曰堯在位凡九十八年孟子亦云舜相堯二十有八載謹案僞孔除去試舜三載又云十六卽位於書傳皆無徵正義疑之是也

月正元日舜格于文祖

段云格當作假

王曰月正元日猶言正月上日變文耳夏而上皆寅正 傳曰舜服堯三年喪畢將卽政故復至文祖廟告 後案鄭以正月爲改正而王云夏以上皆寅正鄭以文祖爲明堂而僞孔以爲社廟二義不同當以鄭爲是 謹案朱錫鬯以此爲舜典篇首非序意也

許于四岳闢四門明四目達四聰闕說文引作謂段云壁中故

紀及漢書梅福傳作辟達本紀訓為通聰左氏十八年杜預作憲風俗通十反篇同蓋古文本作函也

鄭曰卿士之職使為己出政教于天下言四門者亦因卿士

之私朝在國門魯有東門襄仲宋有桐門右師是後之取法

於前也 謹案四門者謂治朝之四門非國門也

咨十有二牧曰食哉惟時柔遠能邇惇德允元而難任人蠻夷

率服任咎繇謨作王釋訪食事也為也任王佞也率漢書引作帥

白虎通封公侯篇唐虞謂之牧者何尚質使大夫往來牧視

故謂之牧旁立三人段云旁即方字謂每方立三人也按謂四岳之三監凡十二人

蔡氏曰牧養民之官十二州之牧也 鄭曰能恣也 王曰

能安遠者先能安近 傳曰咨亦謀也所重在於民食惟當

教授民時柔安邇近敦厚也元善之長言當安遠乃能安近  
厚行德信使足長善任佞難拒也佞人斥遠之則忠信昭於  
四夷皆相率而來服 後案詩民勞柔遠能邇箋云能仰也  
安遠方之國順仰其近者 謹案此亦讀能為如也

舜曰咨四岳

段曰首言舜曰已下乃言帝曰者以別於前文之帝曰且下  
言熙帝之載故不敢言帝曰以著舜之見堯於羹牆之心也  
堯典之書堯舜如天地然天地並尊而地必包於天如日月  
然日月並照而月必兆於日也

有能奮庸熙帝之載使宅百揆亮采惠疇

本紀訓為有能奮庸  
美堯之事者使居官

相  
事

馬曰奮明庸功也 鄭曰載行也 王曰載事也成也 傳

曰奮起庸功載事也訪羣臣有能起發其功廣堯之事者

謹案亮明也相也采事也惠順疇類也

僉曰伯禹作司空

鄭曰初堯冬官爲其工舜舉禹治水堯知其有聖德強法必有成功故改命司空以官名寵異之非常官也至禹登百揆之任舍司空之職爲其工與虞故曰垂作其工益作朕虞是也 謹案禹稱伯者蓋時年已五十代鯀爲崇伯也

帝曰俞咨禹

本紀作嗟然禹段云疑今文谷在俞上

汝平水土惟時懋哉

說文引虞書曰時惟懋哉本紀作維是勉哉段云古今文之異懋茂古文通用馬本

蓋作

茂

馬曰懋美也 王曰懋勉也 傳曰然其所舉稱禹前功以

命之懋勉也惟居是百揆勉行之

禹拜稽首讓于稷契暨皋陶

段云稽首之假借字契古文作保蓋壁中古書漢人或借尚暨皋陶

說文瓜部泉眾與晉也引庚書曰泉泉陶蓋壁中木如是也

鄭曰稷棄也初堯天官為稷舜登用之年舉棄為之時天下

賴稷之功故以官名通稱舉八元使布五教契在八元之中

謹案稷不稱棄者周史以諱改之

帝曰俞汝往哉

鄭曰然其舉得其人汝往居是官不聽其所讓

帝曰棄黎民阻飢汝后稷播時百穀

段云阻壁中故書作阻也本作阻今文讀作阻姚方

輿經用鄭讀易作阻猶偽孔用鄭讀味谷不作亦谷也

鄭曰祖讀曰阻阻厄也時讀曰時始者洪水時眾民厄於飢

汝居稷官種蒔五穀以救活之 馬曰祖始也

帝曰契百姓不親五品不遜汝作司徒敬敷五教在寬

說文引唐書曰

五品不遜惡順也此古文本今文作訓本紀作馴索隱云史記馴字徐廣皆讀曰訓訓順也殷本紀作訓又五教下重五教二字亦今文本

鄭曰五品父母兄弟子也 馬曰五教五品之教 傳曰遜

順也布五常之教務在寬所以得人心亦美其前功

帝曰皋陶蠻夷猾夏寇賊姦宄汝作士

獨斷唐虞曰士官引史記曰皋陶為理呂覽高

注引書女作士師多師字宄本紀作軌鄭同

鄭曰猾夏侵亂中國也強姦為寇殺人為賊由外為姦起內

為軌士察也主察獄訟之事 馬曰士獄官之長

五刑有服五服三就

鄭曰三就原野也市朝也甸師氏也 馬曰三就謂大罪陳

諸原野次罪於市朝同族適甸師氏既服五刑當就三處

謹案國語臧文仲曰大刑用甲兵其次用斧鉞中刑用刀鋸

其次用鑽笮薄刑用鞭扑大者陳之原野小者致之市朝五

刑三次示無隱也大傳同其說

五流有宅五宅三居木紀宅作度

鄭曰宅讀曰咤說文咤作吒懲艾之器謂五刑之流皆有器懲艾

五咤者是五種之器謂桎一梏二羣三周官以五種用之三處者自

九州之外至於四海三分其地遠近若周之夷服鎮服藩服

也 馬曰謂在八議君不忍刑者之以遠五等之差亦有三



等之居大罪投四裔次九州之外次中國之外

惟明克允

馬曰當明其罪能使信服之 鄭曰此三官是堯時事舜因

禹讓述其前功

帝曰疇若予工

馬曰謂主百工之官也

兪曰垂哉帝曰兪咨垂汝其工

釋文垂如字 徐音睡字

馬曰爲司空其理百工之事

垂拜稽首讓于父斯暨伯與帝曰兪往哉汝諧

漢書古今人表 作朱斯伯暨

案諸古通

借下同

傳曰父斯伯與二臣名

帝曰曠若予上下草木鳥獸

馬曰上謂原下謂隰 傳曰上謂山下謂澤順謂施其政教

取之有時用之有節 謹案上下兼及天文地理之正夏小

正詳之

僉曰益哉

僉正義曰馬鄭王皆作禹詩秦說正義文選羽僉

李注同段云作僉者姚方輿所改本紀作皆或今本作僉益漢公卿表作蘇師古曰古益字素師說又作翳云皋陶之子

揚雄曰昔者禹任益虞而上下和艸木茂

帝曰俞咨益汝作朕虞

莊云朕虞王莽傳作子虞按說文倂送也从人奔聲古文以爲訓字當爲訓虞

言訓庶虞之官也漢時不識古文誤以倂爲解王莽又易解爲子也又云古文虞字作𠃉即小篆𠃉字轉寫作𠃉形近火孟子舜使益掌虞誤爲掌火益列山澤而樊之謂表列山澤而藩籬之也今列誤烈樊誤樊本義遂乖象有齒以樊其身末本北堂書鈔樊作樊可證

馬曰虞掌山澤之官名 鄭曰言朕虞重鳥獸草木 謹案

虞官主歲虞計月之事非重鳥獸草木也鄭亦誤解朕字

益拜稽首讓于朱虎熊羆帝曰俞往哉汝諧

本紀此下補一句云遂以朱虎熊羆

佐為

傳曰朱虎熊羆二臣名垂益所讓四人俱在元凱中 段曰

左氏伯虎仲熊叔豹季狸人表作季熊熊疑羆之誤即益所

讓之虎熊羆蓋朱虎熊羆四人名方輿采馬王說為二臣名

謹案爰斯伯與垂之佐朱虎熊羆益之佐故於此七人獨

言女諧而不別命以職也

帝曰咨四岳有能典朕三禮

馬曰三禮天神地祇人鬼之禮也 鄭曰天事地事人事之

禮也

僉曰伯夷帝曰俞咨伯本紀作嗟伯夷

傳曰伯夷姜姓 謹案國語言伯夷能禮於神以佐堯者也

白虎通王者不臣篤先王老臣不名親與先王戮力共治國

同功於天下故尊而不名也伯夷在堯時已居四岳之列此

時齒最尊也

女作秩宗

鄭曰主秩尊卑 傳曰秩序宗尊也主郊廟之官

夙夜惟寅直哉惟清釋文寅如字徐音夷

傳曰夙早也言早夜敬思其職典禮施政教使正直而清明

伯拜稽首讓于夔龍帝曰俞往欽哉御覽引中候作讓于益歸住歸讀曰爽

帝曰變命汝典樂教冑子

段云說文育養子使從善也虞書曰教育子此今文也本紀訓為穉子馬

鄭王本作冑古文也詩關風鬻子傳稚子也王氏伯申云凡未冠者通謂之稚子冑毓鬻鞠古通

馬曰冑長也教長天下之子弟 鄭曰冑子國子也

直而溫寬而棗

段云棗壁中故書當作棗徐巡說木至西方戰棗也

馬曰正直而色溫和寬大而謹敬戰棗也

剛而無虐簡而無傲

傲漢志作放

傳曰剛失之虐簡失之傲教之以防其失

詩言志歌永言聲依永律和聲八音克諧無相奪倫神人以和

漢禮樂志歌咏言聲依咏藝文志作哥詠言本紀訓為長與班異說文引作鱗段云今作諧猶蘇今作和也

鄭曰詩所以言人之志意也永長也歌又所以長言詩之意

聲之曲折又依長言聲中律乃為和也神人以和祖考來格

羣后德讓其一隅也

夔曰於予擊石拊石百獸率舞

釋文於如字或音烏而絕句者非段云本紀正義音烏絕句是

也宋蘇氏以為益稷篇文脫簡復見於此

鄭曰石磬也百獸服不氏所養者也率舞言音和也謂音聲

之道與政通焉

帝曰龍朕聖讓說殄行震驚朕師

本紀作朕畏忌讓說殄偽振驚朕眾徐廣曰一云齊說殄

行振驚眾

鄭曰所謂色取仁而行違是驚動我之眾臣使之疑惑 馬

曰殄絕也絕君子之行 傳曰聖疾殄絕震動也言我疾讓

說絕君子之行而動驚我眾欲遏絕之

命汝作納言夙夜出納朕命惟允

段云二納字當作內下內字本紀作入漢百官表同今文

也

鄭曰納言如今尚書管主喉舌也 傳曰納言喉舌之官聽  
下言納於上受上言宣於下必以信

帝曰咨女二十有二人

二十唐石  
經作廿

鄭曰十二牧禹垂益伯夷夔龍夔斯伯與朱虎熊羆二十二  
人皆月正元日格于文祖所敕命 馬曰稷契皋陶皆居官  
久有成功但述而美之無所復敕禹及垂以下皆初命凡六  
人與上十二牧四岳凡二十二人 謹案禹稷等九人中當  
有兼四岳者三人其四岳一人蓋彭祖也五帝德云堯舉舜  
彭祖而任之本紀云禹皋陶契后稷伯夷夔龍垂益彭祖自  
堯時而舉皆用未有分職舜命九人而不及彭祖則彭祖惟

爲四岳不兼他官可知矣國語其之從孫四岳佐禹祚四岳  
國命爲侯伯賜姓曰姜氏曰有呂則伯夷者堯時爲四岳舜  
命爲秩宗仍兼岳也鄭以崇伯鯀爲堯時八伯禹嗣崇伯周  
書亦稱崇禹其宅伯揆而仍兼岳如周公爲太宰仍分陝也  
大傳紀孔子曰昔者舜左禹右皋陶則皋陶爲右相亦兼岳  
也爰斯等蓋七人必不在二十二人之數

欽哉惟時亮天功 本紀訓爲  
相天事

三載考績三考黜陟幽明庶績咸熙 本紀黜爲黜幽明  
訓遠近熙訓興

傳曰三年有成故以攷功九歲則能否幽明有別黜退其幽  
者升進其明者攷績法明眾功皆廣 書大傳曰積不善至  
于幽六極以類降故黜之積善至于明五福以類相升故陟



之

分北三苗

釋文北如字又音佩吳志虞翻傳注翻奏鄭解尚書

誠可怪也

段云說文八猶背也韋昭吳語傳北古之背字虞

翻不知鄭用古義而欲改注文作冰玉篇汗簡用其說皆云

公古文別非也

鄭曰流四凶者卿為伯子大夫為男降其位耳猶為國君所

竄三苗為西裔諸侯者猶為惡乃復分析流之北猶別也

謹案紹堯即位始於奮庸熙載終於庶績咸熙四十年間無

為而治終繫之以分北三苗蓋末年南巡守別生分類之事

非西裔諸侯猶為惡也檀弓鄭注以為舜征有苗而死因留

葬焉亦非也

舜生三十徵庸三十在位五十載陟方乃死

段云今文本作徵庸二十鄭從之讀

為二十與大戴禮五帝德史記本紀論衡孟子趙注皇前  
帝王世紀韓退之佛骨表合姚方輿用馬王說不破三十為  
二十非也徵庸  
古蓋作登庸

鄭曰舜生三十謂生三十年也登庸二十謂歷試二十年在  
位五十載陟方乃死謂攝位至死為五十年舜年一百歲

王曰歷試三載其一在徵用之年其餘二載與攝位二十八  
年凡三十歲也 傳曰方道也舜即位五十年升道南方巡

守死於蒼梧之野而葬焉三十徵庸三十在位服喪三年其  
一在三十之數為天子五十年凡壽一百一十二歲 本紀

曰舜年二十以孝聞年三十堯舉之年五十攝行天子事年  
五十八堯崩年六十一代堯踐帝位踐帝位三十九年南巡

狩崩于蒼梧之野葬於江南九疑是為零陵

皇清經解續編卷三百二十二終

仁和邵順穎  
桐城姚永棗校

皇清經解續編

尚書今古文彙解一

卷